



華氏黃楊集序

錫有棲碧華君蓋當元末 國初挾重賢以自

隱籍微吟而近名者也予刻百家詩鴻山學士

簡予曰吾七世祖棲碧公有遺稿曰黃楊集明

詩選粹嘗取其七言律數篇今于全集中錄諸

體共百餘首以備采擇于是攷求始知君名幼

武字彥清世爲錫人其詩善占綴模擬尤長詠

物可傳者也舊傳君上相國武寧王一首得免

于難今收集中又有寄飛卿詩飛卿錫之義士



止齋先生予高祖妣張所自出見之益切感念  
亟選入粹集名黃楊者其師陳方氏戲題勉令  
無厄閩云隆慶戊辰是堂山人俞憲識

石倉十二代詩選

明詩卷之四十九

黃楊集

大明

無錫華幼武著  
後學曹學佺閱

次韻金別駕

世故忽云變豈意身及之出門復入門大道登  
歎噦旌旂捲風雨殺氣凌清夷遑遑失歸途遠  
避東海暭邑宰吾舊戚留連琴水潛論文向春  
花酌酒刈夏葵悵然念鄉故撫景徒增悲譬彼  
諸草木榮瘁各有時善保伯牙琴終當逢子期



歷代詩選 明華彙編  
永言敦舊好題詩寄相思

次朱子新韻

避難言子城潦倒無毀譽翩翩佳公子欣然兩  
相晤遂結忘年交惟恨來何暮因謀歸田計扁  
扁復東去回首望故鄉黃塵渺何處美人隔秋  
水文采珊瑚樹馳情若東流日夕不能駐憂來  
誦君詩忽爾滌煩慮何時覩聲色青天捲雲霧

編籬曲

編竹籬密密編朝禦雞犬入暮防豺虎穿交加

聯綿互相倚竹密藤纏堅莫比春風披拂百花  
開一片繁華如錦綺君不見西家有籬編不密  
夜夜驚呼防盜賊願言兄弟莫相疑明日齊心  
編竹籬

義兵行

風蕭蕭雨淒淒義兵起程行路迷腰刀手鎗耀  
光輝青衫白帽行隊齊問渠遠行將何之官司  
召募征江西妻兒父母夾道啼我今與汝生別  
離生別離不得已在家出征同一死麥禾滿田



歷代詩選  
穗將結皇天淫雨無時歇去年秋旱號飢寒今年夏麥不得殮生爲淞西農死爲江西卒回頭語妻兒何處收吾骨率土皆王民安敢辭苦役但愧扶犁手疇能用矛戟願得將相俱賢才掃除盜賊無纖埃義兵歸來舊田里賣刀買牛復生理

送三茆陳嗣師太虛還山

江南昔當全盛時君居虞山我梁溪相望百里如咫尺時獲言笑相追隨干戈滿地事非昨君

任茆峰我漂泊十年旅食古長洲鑿井耕田傍城郭去冬避兵到琴川君亦歸來省墓田相逢一笑驚夢寐羨君飄逸真神仙神仙自有長生術顏如渥丹鬢如漆凌風跨鶴上青天噓氣成雲飛霹靂是邗太守賢且慈天久不雨憂民飢請君默禱纔信宿飄翻馬鬣甘霖垂四郊霑足民悅懌太守徵詩頌君德願君歸去奏茆君爲瀉銀河洗兵革蒼生處處霑恩澤

和文壽看木香花有感



歷代詩選 明詩卷之九 三  
百舌無聲楚鳩老餘花漫亂爭春好江頭一夜  
風雨寒朱萼丹葩淨如掃三分春色水流東木  
香一架開天風翡翠寒帷玉爲幄氣薰龍麝日  
融融芳芬翦綴瓊瑤屈柔條偃蹇虬龍結石牀  
陰陰護碧雲瑤草紛紛墜香雪白玉洞爲君開  
夢魂不到黃金臺興來呼酒對花飲醉豪搨筆  
書幽懷歌詩看花時已晚歎息流光逝無返何  
如秉燭宴終宵落景從渠墜西巘

指痒馬歌

魏公畫法擅天下時向玉堂閒畫馬龍媒貌得  
五花驄放牧長秋沙苑中青絲暫解黃金鞅老  
樹槎牙恣指痒霜蹄蹴踏尾蕭騷奮鬣嬌嘶肉  
屈強畫中神妙無人語直上曹韓不過許曹韓  
已矣魏公亡後來作者誰堪數君不見不惜千  
金市駿骨此圖世間爲第一

早發漕湖

漕湖東南大星起灑灑虛明浸湖水長髯搖櫓  
遡風行浪花激船灑飛雨我時起坐推篷窗天



歷代詩選  
地黯慘開鴻龐扶桑日出東海沸船頭絢耀珊  
瑚光迴風轉帆舟子喜一程唱歌三十里樓閣  
參差見城市

喜仲肅兄弟聯轡過訪

憶昨風塵際愁傷骨肉心清時重聚首濁酒且  
開襟棣萼光還映鶴原誼更深底須辭暮雨相  
與對牀吟

宿蠡口

春風吹短棹迤邐望歸程楊柳溪邊戍旌旗野

外城市橋人迹少官路馬蹄平欲過東湖宿邊  
烽止夜行

題洞虛宮童鍊師房

高士時相見孤軒水竹清積陰秋暑淨倒景暮  
霞明坐語俱忘倦行吟且放情向來酬俗倦隱  
逸愧莊生

過法喜寺

九里湖邊寺參差樓閣重空林初落月深殿已  
聞鐘門遶溪流靜橋分野色濃乍來生逸興途



欲削塵踪

七夕戲占為子平先生悼亡

織女渡河秋文園生暮愁雙鴛慚比翼孤雁訴  
離儔有藥誰能曉攤書祇倦收無端虛幌月空  
照曝衣樓

題秋江送別圖

送客滄江曲其如別意何疎林秋日薄遠岫白  
雲多盡願離筵酒盞煩鼓柁歌相思明月夜浩  
蕩隔煙波

雁來紅

百草將衰歇爛斑葉似花數聲雲過雁一片錦  
成霞翠羽粘猩血丹砂煉日華誰將九秋色附  
足寄天涯

斑竹簾

湘妃淚灑碧琅玕剪織疎簾拭未乾細縷引風  
宜隔暑濕痕含雨欲生寒燈前照耀瑠璃潔月  
下爛斑玳瑁看直榦盡輸兵革用高堂舒卷莫  
摧殘



歷代詩選 卷四十九  
寄季充侄

華氏儒風久蕭索  
賴有汝輩張吾軍  
匡衡苦心不倦學  
陸機自小能爲文  
詠歌溪上共明月  
倚杖江邊愁暮雲  
竹林之游遲亦得  
少年冠蓋今紛紛

和黃敬之見寄韻

卜隣結屋瀼西村  
春入柴荆鳥雀喧  
高柳繞門元亮宅  
小桃臨水武陵源  
呼兒且種南山豆  
過客須傾北海樽  
叔度不來生鄙塞  
新詩吟就共

誰論

芭蕉

窗外芭蕉映碧油  
翠絳成幄覆清幽  
從添夜雨蕭蕭響  
可愛晴雲冉冉浮  
學扇近人能却暑  
題詩留客不禁秋  
高柯好護青青玉  
要使相輝竹外樓

百合

一枝高颺一花垂  
百葉如鱗取次齊  
玉蘂半含黃鵠味  
檀心初拆麝香臍  
未聞楚客留歌詠  
曾



歷代詩選 明華彙編  
七  
觀神農到品題簾幕幽閒護清馥肯教零落委  
沙泥

五月菊

幽姿本自傲秋霜却逐薰風滿逕黃五日不知  
非九日端陽錯認是重陽紛紛似有炎涼態燁  
燁終存晚節香想得淵明多嗜酒故尋醒客弔  
沅湘

白牡丹

金縷杯承白玉盤涓涓擎露出瑤壇微風捲幔  
霓裳舞皓月窺窗雪羽寒太潔不從脂粉汗孤  
芳寧許畫圖看沈香亭北繁華夢妖血于今洗  
未乾

題梅莊圖

聞說幽棲篋社湖只栽梅樹繞儲胥枝橫暮雪  
春回早香滿寒庭月上初五柳門前元亮宅百  
花潭北少陵居歲寒心事清無比寫入丹青意  
有餘

寄飛卿



獨羨城南張隱士鬢髭如雪腹便便青燈有子  
能傳業白日無人只醉眠溪郭畬田多種秫市  
橋鮭菜少論錢相思不得常相見擬共歸來樂  
暮年

寄陶德和

昔謁行軒君未歸虛勞枉駕事多非燕鴻無意  
偶相避雞黍有期寧敢違江上浮雲晴漠漠城  
南流水路依依興來便欲乘舟去猶恐山陰晝  
掩扉

題陽山顧碧溪詩卷

聞說山中顧隱君幽居不與俗人羣愛看舞鶴  
護蒼蘚淨掃落花留白雲李愿已刊盤谷序穉  
圭休擬北山文一溪春水連天碧肯着孤舟載  
月明

寒食感懷

寒食維舟江上村臨風西望黯銷魂花將春色  
歸流水雲繫愁心入故園丘隴不知誰灑掃藤  
蘿應復閉晨昏衰年尚作無家客只合當時在



鹿門

和陸天游春暮感懷

江水淫淫日夜流江花點點亂鄉愁傷心白髮  
似春夢滿眼青山非舊遊三月韶華空對酒百  
年身世獨登樓不須俯仰懷今古一曲滄浪放  
釣舟

題天游畫

老龍騖騖隱雲間揮灑翰墨心神閒移來子真  
谷口樹寫出米家江上山峨峨翠巘遠能致渺

渺丹梯高可攀白雲深處有仙子爲求大藥駐

朱顏

黃葵

秋葵一種異尋常獨殿西風逞素粧細葉疎疎  
剪雞距輕葩淡淡染鴛黃含芳自有神仙態嗜  
潔不沾脂粉香若使嫦娥見顏色也應輸却白  
霓裳

紅白鳳仙花

飛仙駕鳳偶成羣亂舞丹霞躡素雲浥粉露華



呈玉頰沾唇血色汗羅裊不隨桃李爭春艷却  
繞階除弄夕暉爛熳只教兒女愛指間妝點錦  
成紋

七夕天陰

七香車子夜相過天上人間事若何雲意故憐  
懷抱惡不教揮淚見明河

題畫

春雲閣雨近清明一樹梨花剪玉英紫陌正堪  
同拾翠莫教枝上錦鳩明

題畫

霜柯起涼飈苔石帶寒雨一片林壑姿條然不  
知暑

附倪峻詩

字維嶽無錫人  
號靜寄先生

送楊宗浩之青州

都門二月春彌漫柳絲拂地蒼煙團清樽高館  
與君會細風曉露生嫩寒君今奉命往何許云  
是傳經向東魯到時羣芳次第呈泮水芹宮杏  
花吐嗟余潦倒忝同門年來蹇滯無足論長安



旅邸久寂寞慰我憐君似弟昆弟昆情深那忍  
別鴻鵠高飛異楚歷茲辰莫惜酒杯乾後夜相  
思望明月

送王汝翼歸晉陵

官路雨新晴都門柳堪折送子歸故鄉情深詎  
能別驪駒止復歌酒酣耳雙熱悵望不可攀  
徘徊江月

秋日卽事

遠客傷秋思虛堂獨掩扉牆陰鳴落葉窗隙漏

斜暉感物題新句尋人補舊衣因思蘧伯玉簡  
點昔年非

送沈誠甫歸無錫

秦淮東望思依依一曲陽關送客歸吟愛曉風  
輕拂面行從春雨細霑衣山厨竹裏新篳熟溪  
館花邊紫蕨肥何日歸來同此樂醉眠芳草看  
雲飛

題畫

日斜雲歛樹毵毵天際青山露玉簪一棹歸來



無長物清風明月滿天南

黃鸝

東風吹暖入金衣飛上垂楊第一枝自是遷喬  
為求友肯忘幽谷金棲時

附倪敬詩

字子敬靜寄先生之孫

趙太祖蹴鞠圖

小苑垂楊弄晴碧萬幾餘暇同歡集錦球交蹴  
往來頻落花流水春無迹君王奮袂張虬鬚宛  
似驪龍夜戲明月珠侍臣卻立一揮手仰拋紅

日直上青雲衢宮靴撲簌騰香霧紫鳳翻身彩  
鸞舞星移斗轉經幾時回首月華過十五

過洞庭思范文正公岳陽樓記

長帆百里乘風舉巨浪茫茫灑荆楚自從混沌  
剖裂時勢與乾坤互吞吐孤城遙見是巴陵城  
上危樓猶數層江山都在闌干角懷古情深不  
忍登昔賢五色如杠筆倒捲銀河翻几席先憂  
後樂此時心萬古中天懸白日我亦江湖作遠  
遊寸心長繫百年憂三湘南去叫虞舜蒼梧日



落雲悠悠平洲芳草齊如剪長吟不作騷人怨  
一聲風笛雁茫茫回首君山天際遠

題顧御史所藏梅花圖

我家遠在吳山任路入梅花最深處天香歲晚  
雪紛飛繞屋寒香千萬樹花時日日醉花邊酒  
醒長吟花下眠聽到翠禽啼斷處任教明月照  
青天自從游宦京華久夢繞花前與花後故鄉  
花發想依然何遜才華已非舊霜臺御史繡衣  
人藏得橫斜水影真一幅齊紈裁皎潔筆端渾

是玉精神蕭蕭凍雨簷花落紙帳夜寒燈影薄  
恍然相對似還家春信依稀生綠萼綠萼春生  
日漸多山中歸興尚蹉跎玉堂日賜宮壺酒其  
奈梅花似雪何何當催赴看花約莫待江天吹  
曉角詩成起向畫中題酒熟還思花下酌

送過廷章茂丈

奉君蓬池之玉鱸郢水之香醪百金盤龍之寶  
劍五花翔鸞之翠袍男兒拂衣出門外壯志上  
薄蒼旻高幾年讀書在林壑相期事業夔與臯



歷代詩選  
故人天上盡知己  
佇看鸚鵡薦登青  
霄山中蘿月  
斜相抱夜半春  
禽啼寂寥

唐馬圖

薦精墜地雲氣黑  
龍媒貢自那耆國  
英風颯爽  
生天閑白玉鳴珂  
紫金勒石闌干外  
草茸茸一聲嘶斷  
落花風只今萬乘  
巡遊少立盡芭蕉  
日影紅

江南弄送張主事之南京

綠荷如茵刺焯素  
蘭蘋雨香眠白鷺  
青驪結駟  
天上來鴨觜灘頭  
人喚渡槳聲軋軋  
水悠悠何處女郎  
歌棹謳雙鴛踏水  
不成浴飛向芙蓉  
別渚秋芙蓉別渚  
紅雲裏十二樓臺  
倚天起五陵年少  
爭豪奢獨有郎官  
心似水

送丘解元歸瓊州

柳絮吹香點客衣  
都門送別思依依  
三年射策期非晚  
此日寧親喜乍歸  
花謝驛亭春荏苒  
潮生江浦晚依微  
懸知視勝高堂上  
螽肉紅鮮海蛤肥



竹雪齋

翡翠枝頭粉作團  
凍雲高覆細琅玕  
水精簾外鳴瓊珮  
雲母窗前舞白鸞  
鶴筆光搖三徑曉  
洞簫聲散九天寒  
主人勝賞欹紗帽  
酒力微時正倚欄

剪韭亭

種得嘉蔬近草堂  
園丁相報已堪嘗  
叢叢漫度黃金剪  
葉葉齊盛紫竹筐  
一握風絲隨手嫩  
千條露帶入厨香  
杜陵風味曾同賞  
雨夜悠悠入

醉鄉

暮春有懷鄒洪遠

好客當年孰與倫  
吟樽滿滿貯芳春  
生憎繡幄花無語  
故倩雕籠鳥喚人  
歌扇雙揮金蛺蝶  
舞茵齊壓玉麒麟  
鳳城回首韶光暮  
落絮遊絲別恨新

題牧牛圖

既飽原頭草  
還驅飲澗潯  
如何子民者  
不似牧童心



歷代詩選 明倪子敬  
題竹奉寄詹寺丞先生

湘南萬里道何處更逢君無語倚脩竹鷓鴣啼  
暮雲

寄李仲宣

一自攜書謁帝扉春山誰共拾靈芝蕭齋記得  
鷺湖上敲落燈花夜半棋

題雨竹圖

鷓鴣啼斷雨氍氍獨倚欄干酒半酣威鳳不來  
秋已老暮雲凝碧暗湘南

丁卯歲赴京會試宿在平驛夢爲詩二句  
既覺足成一絕書之

銅鳧香冷起棲鴉疎雨閒庭落杏花記得夢中  
詩句好起來和月寫窗紗

題畫

溪雲靄靄樹團團溪上幽亭六月寒日暮看山  
人已去水禽飛上石闌干

吾錫有二倪先生祖維嶽洪武庚午舉于鄉  
嘗爲兵科都給事中孫汝敬正統戊辰進士



嘗為河南道御史文章節槩後先齊名故有  
集合刻邵文莊公序其首共數十篇信鄉先  
達之文獻足以傳云隆慶改元命憲識

附王達

字達善  
無錫人

精衛操

海之水兮靡可量余之怨兮既綿且長志殊苦  
今力日傷西山木石有時盡海不枯兮愁不忘  
前旌操  
飛旌兮影單白亦兮光寒兄之去兮路漫漫第

之心兮悲且酸天昭昭兮理實難兄生弟死兮  
心何安

後旌操

血湔湔兮載途嗟吾弟兮何辜弟之死兮實為  
吾不死兮心愧諸失親所愛兮兒罪當誅

梁溪

微波皺綠迴輕風溪流直與南湖通人家兩岸  
幾興廢鷗影蕭蕭夕照中孤槁欲發臨溪口澹  
煙寂歷明疎柳水清月落正愁人鐘鳴况是僧



歸後芙蓉隔溪十里多白雲蒲牕生薜蘿櫓聲  
咿軋剪寒月去去其如離思何

送友從軍

煙浦綠迢迢離人酒易消路分京口樹帆渡月  
中潮夜靜聞清析風寒試黑貂漢家方討虜好  
事霍嫖姚

送時生

積水遙天萬里情獨騎羸馬送君行荒涼故國  
雙親在牢落秋風一劍橫江上路侵巫峽樹鴈

邊雲遶漢陽城孤舟別去還相憶後夜猿啼月  
正明

送茶陵劉槐庭

江雲漠漠路茫茫江上東風逐去航花落曉堤  
青草合雨晴春渚綠蒲香一聲孤角來邊壘萬  
點羣峰接故鄉料得到家應有感舊栽松栢過  
人長

送僧歸石城

月照空山鶴在松夢中猶聽石城鐘今朝又向



江頭別日斷孤雲意萬重

題子昂畫

關下歸來覓釣舟黃金帶重雪盈頭鯉魚風起  
芙蓉落一縷絲懸玉鏡秋

附王綬

字孟端  
無錫人

寫竹寄贈顧教授祿謹中

秋風起巫峽暝色迷湘渚悵望千里遙佳人渺  
何許幽期邈難值欲往復延佇中夜獨遐思西  
窗颯風雨

送楊得昂

我適桑乾歸君循五溪去飄然若萍梗何由復  
相遇迢迢江上山歷歷煙中樹後夜月明時相  
思渺何處

吳姬留客行

吳姬年少纔十六能抱琵琶唱新曲愁連山黛  
瑣青蛾汗透霞綃濕香玉問郎今去宿誰家郎  
須聽妾彈琵琶吳城有酒不肯住巴姬未必顏  
如花遲留那得情相與芳心一一絃中語空江



霜落叫征鴻孤棹風高響秋雨湏臾彷彿臨三  
湘切切哀猿堪斷腸巫陽雲暗楚臺曉故山不  
見關山長彈到胡笳少三拍郎心欲去何匆迫  
挽郎不住郎過船滿江月色秋潮白

題漁樂園

遙天雨歇明殘霞涼風颯颯吹蕪葭晚來隨處  
可棲泊五湖煙水皆吾家得魚且覓秦橋酒旋  
采溪毛雜菱藕除著沙鷗孰可親隔篷喚取鄰  
船叟生計年年一葉舟全家不識別離愁婦能  
斫鱸兒行盞一笛橫吹萬里秋

送張知縣

作宰麻陽去民風雜五溪世傳槃瓠後山接夜  
郎西臘釀多藤酒春禽半竹雞到官應有便莫  
借寄緘題

送魯府黃紀善歸莆田

送別秦淮上春潮沒淺沙寸心應戀闕千里暫  
還家客路多芳草都門正落花微書看又起未  
必久煙霞



登劍臺望京華作

一上高臺首重回五雲何處是蓬萊帆隨鴈影  
天邊去人共春光日下來淮甸煙消平似掌河  
流水泮碧於苔翠華行幸應非遠佳氣氤氳繞  
上台

題畫

汀洲潮落雨初晴獨坐蘭舟酒半醒欲采芙蓉  
過江去迢迢秋水數峰青

題竹

官樹棲鴉拜夕郎洞門煙靄竹蒼蒼珮聲搖曳  
歸來晚香篆初消月到床

石倉十二代詩選

明詩卷之四十九 終



石倉十二代詩選

明詩卷之五十

玩齋稿

大明

仁和朱經著  
後學曹學佺閱

題顧定之墨竹

虎頭諸孫總痴絕老安不痴乃用拙憶在吳中  
寫墨君雪楮冰縑每飄撇妙處不減文湖州同  
時更有柯丹丘眼底只今無此客使我悒悒懷  
風流蒼梧想見斑竹活看畫忽焉憂思豁安得  
二老從之遊搔首涼風起天末



題讀碑圖

孝娥碑在曹江濱誰其作者邯鄲淳中郎八字  
因贊美後來索隱寔無人老瞞久欲窺神器既  
見此碑心若愧較三十里乃遁辭姦雄寔憚楊  
脩智脩乎脩乎智有餘用之治世將無如露才  
揚已古所忌况復漢賊基黃初今我憮然觀繪  
墨懷賢爲爾傷雞肋研磨銅雀臺上瓦點染霜  
毫動秋色絕妙好辭天下無異代讀碑傳作圖  
長歌落日西風起酒酣擊缶聲鳴鳴

題蘆花散人小像

朔雲化石忽五彩石也能言泣真宰玉堂調笑  
辭金魚月冷西湖醉魂在風流憶爾承平時接  
羅倒著驢倒騎仙遊何處驚墮影秋空冥冥如  
見之黃鶴飛鳴杳無跡西風滿地蘆花白玉龍  
吹斷不可招空掩畫圖三歎息

題畫梅

疎煙小暈生瑤島仙鑑星明試粧早雲母屏風  
曉日寒玉龍嘶天春不老憶昔相逢萼綠君別



來珠珮留蒼雲素鸞驚舞月破碎瓊臺歌斷音  
紛紛靈魄解點玄霜汁粉靨冰花照人濕返魂  
竟失篋中香翠羽悲啼聲轉急紛吾欲下巫陽  
招楚騷遺恨湘川遙書憑鳳女雙飛翼淚掩鮫  
妃一尺綃

題澄碧樓

燕入雨侵簾鷗栖月近簷白紵三泖曲青隱九  
峰尖夏簟風漪展春醪雪乳拈元龍憐遠客高  
卧想無嫌

題唐伯剛貫月軒

使君文采歛翩翩投檄歸來志浩然新構鳳麟  
洲上屋恰如書畫米家船干將破壁龍俱化脉  
望飛空蠹亦仙更試囊中五色筆桂花香露灑  
銀箋

奉同謝雪坡次韻楊孟載

紫薇花下月波涼謝傳風流錦作裳况有鳳團  
新賜茗猶餘鷄舌舊含香仙槎杳杳秋無際宮  
漏沈沈夜未央答贈揚雄詩句好野人傳誦下



吳航

走馬燈

清時何事及宵征人馬蕭蕭夜向明  
歷塊風前微有影銜枚月底寂無聲  
一身轉戰三千里數騎看為百萬兵  
待得燒燈佳節過烽煙永息賀昇平

題蘭亭長詠圖

蘭亭已榛委衣冠非昔年吁嗟觴詠樂猶託畫圖傳

題映雪圖

夜雪明書几寒風入緼袍如何燒鳳蠟只解飲羊羔

三友圖

冰雪淡相看心期許歲寒莫同桃李伴容易及春殘

呂德叔小小齋

齋居不自大容此眇然身汎覽乾坤內俱為逆旅人



題畫

隱者山林得靜便松風不動興悠然竟將塵事  
拋身外只許泉聲到耳邊

題桃花白頭翁

前度劉郎阻勝遊漫歌風雨替花愁自憐人與  
春俱老底事幽禽也白頭

題桂花十二紅便面

金粟枝頭十二紅何年飛向廣寒宮素娥只愛  
青鸞舞且近瓊樓立晚風

題紈扇美人

蝶粉蜂黃滿眼新小園微步不勝春白團欲把  
歌唇掩生怕流鶯也妬人

題絡緯圖

牽牛風露滿籬根淡月疎星夜未分燈下有人  
拋錦字機絲零亂不成文

附王洪詩

字希範仁和人翰林院脩撰

擬劉公幹

園林多佳木秀氣何蒼蒼石梁冠崇阿綠水流



芳塘行樂在良夜飛蓋復翱翔涼風振華纓明月揚其光清池散芙蓉秋蘭一何芳君侯壯思發逸藻凌風揚小臣信愚劣狂歌安所詳

擬陶彭澤

我家南山下前有嘉樹林好鳥鳴其顛涼風吹衣襟汎此樽中酒撫我膝上琴禾黍亦以繁桑麻藹餘陰知此良易足勞生非所任

湖上行

湖上昨夜江水生湖頭嗷嗷鴻雁鳴人家遠近

湖上住有水可漁田可耕去年種禾湖水北一家大小多得食今年種麥曾賽神一畝占收三兩石門臨官路人往來無事莫教門早開牛羊鷺鴨散平野日暮不收常自回大兒已長當門戶小兒十歲能搖櫓婦人終日坐蓬窗補却魚網縫衣裳衣食寧論厚與薄人生無如生處樂

送金生歸江南

朔雲千萬里歸興復如何鴻雁雨中去蒹葭霜後多人煙投遠戍驛路出長河惆悵東橋別涼



風起夕波

舟中雜興

故國徧芳草高臺多大風河山千古在登眺幾  
人同野澤鳴山雉荒陂起塞鴻新豐不可見煙  
樹五陵東

其二

曠野杳無際孤舟齊魯間河流東下險天氣北  
來寒古道蒼煙迥長亭落照閒微茫雲水外一  
點是梁山

送陳員外子魯使西蕃

劍騎翩翩出武威關河秋色照戎衣輪臺霜滿  
逢人少蒲海天空見雁稀蕃部牛羊沙際沒羌  
民煙水積中微茲行總爲宣恩澤不帶蒲萄苜  
蓿歸

平顯

字仲微  
錢唐人

光霽堂

碧鷄翠冥濛夕影倒滇水月出金馬東徘徊白  
雲裏美巉堂旣崇爽嶝塵不起書籤承朝旭琴



露濕烏几

其二

我公黔寧嗣世濟忠孝美容光照隙罅於焉燭  
斯理悵望珠履榮老客思未已何當駕長風一  
遡秋萬里

喜會翰林奉使交趾回二首

日月無私照乾坤有至仁玉堂徵使者銅柱勞  
王臣星入龍編野風清蜚海塵歸來公事了黃  
閣重絲綸

北極奎章煥南交使者歸雕題瞻禮樂象齒貢  
京畿聽漏趨青瑣停驂解繡衣上林春色好官  
柳正依依

寄演此宗

秋風起江漢纖月在西南影落清滇水涼生白  
石龕唱酬蔬筍氣屏去葛藤談未遂依禪寂徒  
驚雪滿簪

玉盤驪珠

玉盤驪珠何所名琵琶斲出滇陽城昆侖小鳳



歷代詩選 明 朱寅仲 畫  
遇雲叫鷓鴣拔筋寒水精千年紫檀作人語霹  
靂輓堂驚破柱黃河曲折走春冰白日簷牙墜  
秋雨老夫舊住西陵橋聽此不覺神飄搖初疑  
鶯語蘇堤柳忽爾驟變錢唐潮鴻門夜斗紛然  
碎天遣鮫人泣清淚玫瑰火齊響鏘錚跳入空  
明唾壺內狎犴之山產白銅此材此藝真良工  
何當別作清廟器明時進入蓬萊宮

謝惠朱寅仲畫

滇之海子三百里天閔靈奇甲南紀環海羣峰

秀而峙翠削芙蓉影秋水漸漸之石上砥平呼  
以玉案非虛名瑠璃凝滑夜光冷拂手可拾天  
邊星碧鷄飛來據坤西散花金仙堪其首拱伏  
朝尊勢前後霧鬢煙鬟鬪妍醜荆關老死骨已  
枯誰能寫之爲作圖癯然老擘生東吳炯炯巖  
電雙清矚解衣盤礴運天巧笑舐霜毫眺清曉  
目擊心存明了了秋毫遠見孤白鳥掃素卷碧  
歸高堂上公寶玩怡清揚飛臺峭壁宛在望欲  
援南斗斟天漿彷彿颺梯幾千丈鐵杖鳴敲洞



歷代詩選 明季仙翁  
門敞分我蒼厓一幅雲老病醒然致蕭爽青林  
白屋晚可依淋漓滿壁恩光飛松花雲津久相  
待竟擬踏此漁舟歸

題水月亭卷

積陰之氣凝不流澄輝上薄蟾宮秋靈媧鍊雪  
補天鱗六合刃一瑠璃漚漚光滉漾燭銀浦三  
山歷歷明可數寶奩開影出素娥桂露飛香灑  
黎母先生獨坐海上亭肝膽瑩若梅花冰初疑  
驪珠起甕社熟視坎德交金精六鼇伏穴不敢

動天地無波一泓凍玉螺沆瀣漱玄津鐵網珊  
瑚注清夢紫鵬飛來翼垂雲藥成兔鼎許見分  
先生跨鵬擘雲去麻姑已約南溟君

次陳東之韻題夏珪溪山清遠卷

畫家粉墨尤精好賞鑒誰能察毫杪良由天質  
發自然慘淡經營信揮掃珪森父子鳴趙季丘  
壑胸襟氣深杳墨捲波濤滄海立筆縮煙雲天  
地小冥搜遠寄作此圖繹思通靈古來少東南  
四萬八千丈玉室璿臺勢傾側北歸有客懷故



鄉悵望清猿與幽鳥空悲白髮歲年徂不得癡  
兒公事了神遊翠壁攬長蘿夢濯靈谿藉纖草  
金庭之魂可些招應躡玄蹤追二老

憶滇春

顥金螺貝馬蹄鹽萬井高薨截畫簷比屋絃歌  
春睥睨籠街燈火夜厭厭風花獻媚熏青眼雪  
絮飛香點紫髯記得賦詩滇海上硯池波蘸碧  
鷄尖

謝寄符

百道仙符下武當電光隨繞讀書堂詩魔懼挾  
文窮遁酒聖靈驅瘡鬼藏墨汁潤分瑤草色篆  
文清帶柳花香壁琴自此如神助長覺風霆響  
洞房

題黃鶴山人王叔明畫

我昔見之湖上居當門萬朶翠芙蓉承平公子  
有故態文敏外孫多異書閒吮彩毫消白日夢  
騎黃鶴上清虛此圖定倚吳山閣醉點南屏春  
雨餘



題丁野夫畫

胡丁已沒四十載化鶴歸來知是非郭外梅村  
更地主筆端松石見天機一時好手不可遇千  
古賞音如此稀長憶西湖舊遊處畫船清雨白  
鷗飛

王永真竹居

王維世有竹里館青土滿庭如植麻掃蟻斷根  
移客榻瘞猫分笋過隣家琴聲響度偏諧律鶴  
夢醒餘或煮茶清曉屢研枝上露坐看兒子寫

梅花

釣絲風

不隨紅雨畫欄春長趁漁蓑起白蘋晴拂太虛  
雲影亂暝牽波底月鉤新漂搖萍葉沈香餌勾  
引蘆花落醉裊莫笑扁舟湖海窄一竿吹盡利  
名塵

謝瓊衫

新染滇波色未乾毳茸香絮暖成團行春不濕  
杏花雨踏雪可衝梅信寒捲霧遠來天萬里壓



風高卧日三竿客過坐席真温厚獨愧才名亞  
冷官

送陳孟顥先生歸鄞

小舸乘春指四明落花新水到西亭豹歸霧谷  
深藏彩鶴倚風巢細刷翎芳餌再投東海釣草  
堂無愧北山靈老龜搢得藜牀穩卧看芙蓉萬  
朶青

奉國公大人

路入分茆是傘員夢迷銅柱瘴雲邊鐵衣觸暑  
應三捷綵仗鞭春又一年公子上京婚閨閱將  
軍南海戰樓船好音計待朝天使定及新正進  
表箋

次韻春日京華

霽雪初融上苑花蓬萊佳氣曉成霞白頭擬獻  
河清頌四海車書正一家

次韻舟中

鐵軸樓船發禁堤峭帆高矗與雲齊芙蓉菡萏  
秋江上看盡天葩錦萬機



題士女

周南聲教美洋洋  
比屋絃歌窈窕章  
一點蕙心清若水  
綠陰欄檻晝薰香

施敬

字孟莊  
錢唐人

貧樂軒

長卷束牛腰  
篋瓢繫牛角  
讀書深樹中  
不知山日落  
飲水自知味  
采芝每盈握  
經世豈無心  
迂疎愧才薄  
白雲渺在望  
幽興入遠壑  
浩歌歸去來  
空齋有薇藿

送姚臨湘舜絃

沙頭一樽酒  
含悽強言笑  
欲賦送君詩  
情深不能道  
蒼茫波上日  
杳渺煙中棹  
望眼與江流  
悠悠接雲嶠

送性泉吳文學東還

結歡未云久  
詎盡平生語  
執手臨路隅  
離觴聊一舉  
殘鐘草堂夕  
落雁蘆洲雨  
相憶渺天涯  
深

題梅得芳杏林圖



梅仙煉丹處山杏栽無數賣藥到人間衣裳帶  
紅霧花開不知歲子落還成樹我欲與之言飄  
然騎虎去

送人還廣陵

會晤情方洽睽違意更長天涯同是客秋杪各  
還鄉黃葉飛楊子青山繞夜郎分襟卽萬里相  
顧兩茫茫

歸燕

已知秋社近更繞畫梁飛主意豈不念天時難

獨違雙歸遼海遠對語夕陽稀花雨重來日故  
巢還是非

次瞿塘峽

鑿鐵開青壁翻雲瀉素波古今流不盡造化意  
如何晚策天邊倚春帆地底過禹功不可問日  
暮獨長歌

怪木竹石圖

大星墜地光如日一夜海風吹作石精衛魂驚  
不敢窺留待媧皇補天極石傍老樹枯槎枒古



藤屈曲懸條蛇鷓鴣踏翻黃竹葉翡翠啄破蒼  
苔花千年醜怪何人識老剛胸次真奇特興來  
掀倒墨池波鬼跡神蹤不能匿生綃颺颺搖秋  
颺古色慘淡寒無姿天吳拔斷蛟龍尾月露洗  
出珊瑚枝張公好古耽清賞狂客題詩真技癢  
冥驅萬象入毫端便覺簫韶畫中響琅玕有實  
石可棲赤霄靈翮來何遲按圖爲君三歎息雷  
雨打門風捲席

登碧雞山寄陸伯瞻劉平偉

碧雞山頂登臨處一片蒼煙迷海樹回首章臺  
若箇邊青天不盡山無數欲倩西風吹雁書拂  
雲遙寄故人居書中草草無多字但道相思會  
面疎

寄浙江王氏得月樓

跨鶴仙人冰雪顏結樓冥坐月中閒笙聲夜響  
聞天外桂子秋香落座間斜日黃來漁浦樹隔  
江青度海門山西風滿抱登臨興携酒何時一  
往還



寄伯瞻

別後悠悠渺所思使來渾不寄新詩  
雲林一去無多地風雨相違又許時  
芳苒綠深江路草杷黃盡客窗枝  
多情惟有西齋月曾照清宵碧  
玉卮

沙津送客登望江亭

沙市津頭送歸客西風江樹數蟬鳴  
夕陽靄靄衆山暝秋水迢迢雙鷺明  
蔓草已無王粲宅亂雲長繞呂蒙營  
登臨不是携樽酒若箇能平慷

慨情

送譚孟端

藤蕪葉齊春水生故人欲歸傷我情  
草堂酒盡落花滿山驛馬嘶殘月明  
醉中執手不忍別路上逢人須寄聲  
明朝相望隔關塞惟見白雲天際橫

秋塘曲

蓮謝秋塘晚風來野水香采蓮休  
采葉留葢睡

死央



楚畹春風

楚畹消殘雪光風汎國香美人不可見春草徧

沅湘

巴陽夜泊

獨棹三巴夜秋高片月孤灘聲將客夢萬里下

東吳

塞上曲

八月秋高塞草斑將軍千騎獵前山彎弓不射  
南飛雁恐有征人附信還

南行途中寄錢塘親友

萬里移家入瘴煙故鄉音耗若為傳衡陽自古  
無來雁况去衡陽又八千

漕溪夜泊

空山孤驛鼓逢逢明月流輝滿大江水鳥夜寒  
棲不穩一雙飛影過篷窗

漁人

浪迹煙波薄利名釣舟長傍酒家橫白魚青菜  
桃花飯不識憂愁過一生



讀程原道昆陽詩悵然有懷

昆陽市上美人家  
飲酒曾停過客車  
萬里相思不相見  
東風吹盡蜜檀花

試筆

試筆山窗竹影涼  
閑臨小字換鴛章  
定巢燕子時飛過  
帶得殘花落紙香

胡奎 字虛白  
海鹽人

夢遊廬山

我有紫霞想夢遊  
匡廬峰人凌絕頂  
手掉金

芙蓉芙蓉亭亭九天上  
疊嶂崩騰涌波浪  
五色雲中白鹿鳴  
五更海底金雞唱  
懸崖瀑布從天來  
足練倒界青天開  
高人自是陸修靜  
邀我石磴行  
莓苔九江秀色可攬結  
欲跨長鯨捉明月  
望斷蓬萊青鳥書  
琪花落盡無人折  
飛身上挹香爐  
烟坐臥九疊屏  
風前翻然拜予招  
五老一笑彷彿三千年  
松風冷冷吹夢覺  
鶴背高寒露華落  
早知此境隔塵凡  
只合棲神向丘壑  
何人寫此江上山  
雲山與我心俱閒  
明當會碾懸輪



去長謝時人竟不還  
華蒸北吐行  
食蜜不知苦衣葛不知寒  
今晨出門  
知行  
路難驚颺吹斷蓬沙磧  
何漫漫羸馬縮如蝟霜  
花大如  
更河凍舟行不得前  
君腸轆轤  
轉我腸車輪  
王事有嚴程去去勿憚煩  
彎弧  
落旄頭飛  
定天山會賦饒歌曲  
論功萬里還  
送徐千戶之甘州  
金鞍  
春寒初試入羅袍  
不惜千金買寶刀  
馬援橐中

無惹苾張騫槎上有葡萄崑崙西去黃河遠  
函谷東來紫氣高  
何事相逢又相別  
隴雲邊月夜  
勞勞

江邊柳

朝送木蘭船暮迎征馬鞭  
非關離別苦生長在

江邊

周昉

字原亮  
新城人

寄楊子東

錢塘舊友知誰在  
萬里滇南見子東  
夜市鬪茶



涼雨後晴湖載酒夕陽中龍梭織錦翻新樣虱  
繡縈絲記舊工不是吾儕不歸去六橋行盡草  
茸茸

寄素軒公

行馬縱橫禁謁時不干聲色尚文辭深藏結綠  
千金劍少試抽黃七字詩聚遠有樓堪縱目在  
官無事且開眉欲知王謝人家樂霽月光風藹  
墨池

石倉十二代詩選

明詩卷之五十 終

虞大理傳

公諱謙字伯益鎮江金壇人洪武乙亥錄太學  
生擢刑部郎陞杭州知府永樂初召爲大理寺  
少卿尋陞左副都御史巡視淮楊旱災至則疏  
民所苦請發廩賑貸仍爲贖還所賣男女爲奴  
婢者皆縱遣之 仁宗卽位擢爲大理寺卿多  
所平反援引詔書以斷疑獄 上曰虞謙言是  
公儀表甚偉瀟灑絕俗工詩所著有玉雪齋稿  
行于世







歷代詩選 明 虞伯生  
芙蓉開綠水，燦若雲錦裳。薰風日披拂，吹面散  
清香。風回翠蓋翻，下有雙鴛鴦。鴛鴦自棲宿，荷  
花亦相忘。忽逢溪邊女，蕩槳歌悠揚。坐待霜露  
繁，翠羽亦高翔。空遺采蓮曲，何由斷人腸。

題水竹居

若人抱貞素，種竹溪水曲。水清竹亦清，於焉結  
茆屋。蕭然寡塵事，讀書志彌篤。窗虛涵碧陰，夜  
靜響飛瀑。鳳羽激涼飈，魚波漾新淥。渴飲澗中  
泉，飢斲林下玉。我亦斯人儔，開圖快心目。願言

一相過秋風駕黃鵠

爲鎮上人題明秀軒

大江從西來，遙遙幾千里。誰知巨鼇簪，兀向中  
流起。其陰曰瓜洲，風氣甚清美。舟車競來往，百  
物紛聚蟻。中有古道場，勝地平若砥。崇堂闕宏  
奧，幽徑隔塵市。上人夙好道，閉戶動一紀。貞姿  
顛松栢，安肯炫桃李。賓筵苦湫隘，新構俯江涘。  
出門見青山，流水度階址。南薰日披拂，襟懷淨  
如洗。問訊請厥名，對景足堪擬。大書揭楣間，庶



歷代詩選 明倫彙編 二  
用鑑行止我來總輪運寓宿東齋裏豈惟事游  
行正要勤政理行當覲天關戀戀情曷已勉焉  
弘所圖肇迹自今始

夜宿元陽觀張大亨方臺

曉望三茆峰暮達元陽觀出門未百里頓覺風  
景換細路厭蒙密迸泉復凌亂幽鳥隔林啼驚  
膚入竹窺攀危髮生寒歷險脇沾汗岩巖大峰  
頂夏與塵壤判石潭走蜿蜒松顛巢鶴鶴白雲  
天際來飛揚何浩瀚攬之不能得凭欄恣怡翫

方臺極高爽靈軒蔽幃幔峰峭巖簪筆嶺夷若  
橫案牀頭煉丹處神光燭遙漢緬昔有高士疎  
髯映脩幹夙事玉海仙架屋岩之半度世脫紛  
擾解蛻遊汗漫石室榭貞碑文彩尚昭煥矧茲  
張鍊師繼事更孤岍高懷契玄理冲襟絕羈絆  
宴誦三洞章焚香手頻盥朝尋赤松子暮謁洪  
崖伴植行益脩潔聲稱動州閭予亦慕真侶動  
止寡籌算偶爾從之遊中心樂且衍維時秋氣  
佳晴旭照車幔登覽縱杯酒塵慮豁分散未知



步虛吟聊爲揮詞翰

送友之武昌僉憲分題得鸚鵡洲

黃鶴樓前鸚鵡洲  
鸚鵡昔年來此遊  
如今鸚鵡在何處  
聞道西飛隴山去  
西飛亦去竟不還  
空有寒流向東注  
芳草春迷南浦雲  
夕陽晚帶西江樹  
送君此去登憲臺  
武昌一道煙塵開  
還過洲上賦鸚鵡  
寄與樓頭黃鶴來

長淮泛舟

畫船曉泛南洲渚  
獨客高眠悄無語  
西風吹起

綠塘雲卷落篷窗  
半江雨雨聲瀟瀟  
蘆葉鳴船頭  
放歌沙鳥驚  
隔溪遙見南山青  
順流直到垂楊汀  
須臾雲散雨亦歇  
波光上接天  
冥冥呼童烹鱗酌新酒  
卧聽洞簫吹月明

舟中

春江雪消春水漲  
畫船蕩漾來天上  
荷花照人楊柳青  
船頭放歌雙槽鳴  
歌聲漸高槽聲小  
水波不興風力少  
歸雲斜度夕陽邊  
青山半落滄江表  
買魚沽酒待月明  
題詩遠憶眉山叟  
夜來



歷代詩選 明虞伯生 四  
白鶴忽飛來須臾夢覺東方曉

聽朱太常少卿彈琴

高堂夜靜華月明博山火暖春雲生高人膝上  
三尺琴興來一彈神鬼驚上絃長清短清之古  
曲下絃前山後山之飛瀑恍疑天風吹下仙壇  
之鳴鸞又疑神斧鑿碎荆山之良玉使人聽之  
情思深坐中頓覺消塵襟百年慨仰鍾子心一  
洗萬古淫哇音

題湘江竹林圖

秋風嫋嫋湘江曲秋水瀟瀟湘水綠湘江之人  
美如玉翠袖天寒倚脩竹鷓鴣時來林外啼鳳  
凰夜向枝頭宿我欲因之泛長江歷蒼梧兮覽  
瀟湘天高海濶白日靜九疑山色雲茫茫雲茫  
茫增煩吁忽憶山中二三月如有紫筍食有魚  
開軒賦就淇園句都向琅玕節上書

春曉曲

轆轤伊軋綺窗曉翠幃夢覺芳春好暖雲含雨  
浮碧空香霧和煙濕瑤草東風吹柳搖黃金鶯



啼燕語愁人心愁人心向誰人說天涯遊子歸  
未歸閉門落盡梨花雪

畫竹自題

我昔汎東溟拾得蒼龍尾置之懷袖中夜夜涼  
風起化爲金錯刀欲剪瀟湘水只恐春雷鳴飛  
上青雲裏

題東臯野人

崇巒薄層霄嘉樹翳平陸窗前流水聲簷下白  
雲宿晨興眺東臯時還展書讀澹然無俗營素

心良自足

新春偶書

晨興涉芳園晴旭照東林佳樹藹新綠花間有  
鳴禽臨風散塵想俯溪澄道心歸來念知己因  
之發長吟

又

端居感時駛荏苒冬復春脩篁沐初雨古木含  
蒼雲物類旣榮暢吾情亦欣欣緬然保貞素永  
答覆載恩



遊東園

閒居澹無事琴書樂餘清倦從南軒卧時向東  
園行疎篁含雨意古木敷春榮撫景恣遊眺長  
吟發高情

青龍山道中

晚過青龍下西風瘦馬催水從平地出山向半  
空來月冷林棲鳥霜晴谷放梅百年遊宦客重  
上鳳凰臺

秋曉

不寐晨興早秋堂燕坐清曙光欺月色露氣逼  
蛩聲新穀炊方熟寒葵落又生牀頭故書在終  
日未忘情

過友人山居

遠訪幽人宅脩脩水竹蒼石田沿隴瘦野井傍  
山涼買酒招隣曲題詩寄草堂向來一穉子今  
見過余長

曉出太平門

曉出太平門東林日漸曛天光開晃朗曙色散



唐代詩選  
明處作  
清温碧漢流無極青山勢獨尊  
岡頭古松樹雨露每承恩

二月五日與張公廸共飲分韻

良宵有佳會况在爾東家  
已覺傷春雨先須問杏花  
青山隨處好綠竹向人斜  
共愛張郎俊才能比孟嘉

過湖州苕溪驛

吳興山水窟公館一塵無  
地勢來天目溪流入太湖  
蠶成供歲用菱熟當秋租  
樓閣煙雲外猶

堪入畫圖

東軒偶書

東軒日無事俗客少相干  
柳外禽聲早花間雨氣寒  
丹心恒自許青眼更誰看  
獨愛雲霄鶴乘風奮羽翰

寄南舟洽公

為愛長干寺西林景最妍  
石燈明似月竹室小如船  
地僻渾忘世心清久悟禪  
有時佳客至相與伴雲眠



遊宜興大涪山追和鄉先生史良臣詩韻  
夏日湖心寺危欄面面通一山都見水萬竹盡  
含風石竈茶煙碧螺杯酒暈紅勝遊懷舊集歸  
掉夕陽中

閒居

蜜熟黃蜂靜泥融紫燕忙日停花妥艷風過竹  
生香美景追遊少中年感慨長一樽消晚坐乘  
月更移牀

過道士王一初丹室

築室依仙境幽居迥不同竹間惟養鶴石上祇  
栽松碧海三山近瑤臺萬里通鼎中丹若就莫  
遣白雲封

台州

千里東南路孤城傍海壩湖通溪上水山壓樹  
頭煙地僻無征旅民稠悉種田喜聞軍令肅邊  
寇息多年

飛雲渡

曉過東關渡飛雲接渡頭衣冠迎遠道歌吹起



雁作詩選 明虞伯生  
中流巨港通番舶危峰壓戍樓海鄉民物庶文  
雅出東甌

田家晚泊

風磴翻危葉霜槐出斷根過橋逢野老倚杖候  
柴門馴犬熟迎客歸鴉遠認村茆簷投晚泊煙  
霧斂初昏

龍泉道中

峰峻碧雲連松間屋數椽引泉新作磴壘石舊  
爲田林暝花飄雨溪晴竹帶煙驅馳驚歲晚何

日遂朝天

送人省親

都城三月柳如煙送客東歸思惘然太學三年  
紅杏雨故鄉千里白雲天曉經北固花迎旆夜  
泊西湖月滿船記取明年春雁過新詩還寄錦  
雲箋

寄懷柘溪書館

家住三茆碧澗東懷人清思月明中白花滿地  
翻松雪翠羽鳴窗和竹風長晝不知書夢遠好



春休放酒杯空閒居詩句人爭寫費盡鸞牋與  
筆工

遊鷄鳴寺書韻

鷄鳴山頂梵王家竹樹蕭疎石磴斜  
僧施食日高亭上客烹茶迢迢幽徑通靈界密  
密深關隔世譁獨倚欄干望鄉邑浮雲如蓋異  
天涯

題戒上人泊雲軒

萬松深處一茆亭雲氣蕭蕭岩壑清  
小榻夢回晴絮暖上方身被白衣輕  
雷鳴春谷知龍化雨過秋林辨鶴聲  
杖錫又從京剎住燈傳應得祖師名

遊願龍山為榮上人題清輝樓

岩崑飛閣倚岩阿極目溪山樂趣多  
簾捲白雲生遠岫窗含明月印澄波  
丹霞有客題詩去畫舫何人載酒過  
幾度登臨歸路晚數聲鴉鳥出煙蘿

題綠筠軒



爾家住在篋管谷會聽西窗夜雨聲彩鳳歸來  
山月上蒼蚪飛動海風生四時翠色連書幌六  
月涼陰護酒觥我亦有軒脩竹裏相期同結歲  
寒盟

遊顧龍山

山橫煙靄樹蒼蒼中有神人古道場寶塔遠連  
星斗出畫樓高拂鳳鸞翔林間煮酒青梅熟雨  
後烹茶紫笋香忽憶舊遊三十載夢魂飛繞白  
雲鄉

送山陰王內敬之遼東

送客東行買畫船故林三月正啼鶉紅螺香泛  
梨花雨白苧晴分楊柳煙千里征途遼海上五  
更歸夢越江邊遙知別後相思處夜半詩成月  
在天

長淮舟中

長淮西上水漫漫四顧渾如碧海寬白酒盈樽  
聊獨酌青山滿眼共誰看芙蓉半落秋風老鴻  
雁初來暮雨寒千里思親歸夢遠昨宵隨月到



長安

登壽州城樓

繫馬重登溪上樓  
白雲紅葉照清秋  
黃河東下歸淮海  
翠嶺南來繞蔡州  
對月豈辭今夜醉  
看花還憶少年遊  
朝天只待春正月  
畫舫東風過石頭

濠梁驛與盧侍郎別

淮水西來千里長  
波濤洶湧日昏黃  
當門綠柳是何處  
隔岸青山非故鄉  
漁歌乍歇棹歌起  
藕

花半落蘋花香  
明日濠梁與君別  
相思兩地雲茫茫

清真軒為王駙馬題

築城西畔列侯家  
別有軒居靜不譁  
遶楹竹聲鳴翠雨  
隔簾雲氣逐飛花  
錦箏按曲春行酒  
寶鼎燒香夜煮茶  
最愛屋頭山色好  
雨餘蒼翠濕窗紗

遊金山

關山迢遞接神州  
纔到南徐却暫留  
月帶鐘聲



來枕上雲移山影過船頭煮茶夜汲中泠水携  
 酒朝登北固樓竊祿自慚無以報此心朝夕向  
 東流

湖州

城臨震澤水如空天日南來地勢雄蒲院新涼  
 桐葉雨一簾清氣藕花風民生自足耕桑內士  
 俗猶存禮義中追想玉堂人去遠圖書零落水

晶宮

過姑蘇

畫舫琴書載碧流順風三日到蘇州帆移楊柳  
 堤邊路人在芙蓉水上樓古阜龍蹲秋月照荒  
 臺鹿走暮雲收香醪滿泛鱸魚美卧聽吳兒夜  
 唱籌

遊虎丘山

闔閭城外虎丘山古塔峻嶒紫翠間暫向溪邊  
 停畫舫謾來林下扣禪關水流長見花開落僧  
 定不知雲往還最愛西岩如畫裏可能無意一  
 凭欄



靈巖寺

來訪東吳第一峰  
石林高聳楚王宮  
靈巖雨過  
千山碧香徑花飄十里紅  
路轉長廊空響屨  
客來深院喜聞鐘  
携琴更爲凌高頂  
回首姑蘇夕照中

西湖

西湖開鑿大唐年  
夾岍樓臺夕照邊  
一鏡天開  
浮碧玉兩峰雲淨出  
青蓮雪中杖履尋  
梅客月下笙歌載酒船  
我欲乘風遊汗漫  
不知何處問

坡仙

寄武林諸老

鳳有高臺鶴有樓  
懷人千里夢悠悠  
夜深酒泛  
梅窗月晝靜琴鳴  
竹院秋海內文章新  
製作江南人物舊  
風流題詩寄謝諸  
夫子望斷碧雲天際頭

過錢塘江

白鳥雙飛下綠蕪  
東風吹雨客帆孤  
江聲暗逐  
潮來往雲氣半隨山  
有無忽見沙頭來  
翡翠還



聞海底出珊瑚中流穩坐推蓬看絕勝高臺展  
畫圖

送嘉禾徐照磨復任

爲愛名駒產渥洼青雲材質向人誇簿書又見  
參名郡詩禮從知出故家酒向樽前傾竹葉春  
來江上折梅花東風未忍匆匆別回首征鴻帶  
落霞

遊白龍湖和韻

人間六月憎炎暑我愛龍湖此日涼停扇按歌

桃葉小舉杯聯話藕絲長醉翁慷慨矜風裁詞  
客疎狂賞雪香歸路浮雲忽相放持篷急雨正  
淋浪

爲張都司題蘭軒

華軒蕭爽近岩巒種得幽花滿石壇九畹香風  
春未老一簾晴雪夜生寒彈成古調同誰和賦  
就新詩每自看更似山陰脩禊處紫雲長繞碧  
琅玕

三峰



小峰天外聳青螺樹杪飛宮人薜蘿千日酒中  
 風味美三層樓上月明多丹崖落葉如飄雨翠  
 崦浮雲若湧波最愛道人清似鵠夜涼吹笛看  
 銀河

天台

赤城自古號名山萬丈華峰更可攀龍送雨來  
 歸洞口水流花落到人間天風聲度瓊臺鶴夜  
 月光生玉井丹欲訪桃源無覓處一琴空向石  
 梁還

步月歌

大風吹雲碧空淨仙娥捧出瑤臺鏡玉氣寒凝  
 海宇清金波冷徹天街瑩興來酒斟白玉童浩  
 歌一曲聲摩空身披紫霞斃手把青芙蓉飄然  
 直上蓬萊宮

清溪書舍為丹陽洪仲章賦

練湖南來溪水清溪上草堂新構成波光漲雨  
 簾幙潤樹影拂雲窗戶明東臯種秫可為酒西  
 塞買魚堪作羹百年詩禮今猶在願爾力學傳



家聲

過高郵湖

雨餘湖上晚涼收  
紅藕花開白露秋  
明月在天清似水  
吹簫憶向洞庭遊

客中元夕

去年此夕宴傳柑  
兩袖天香酒半酣  
今夜客窗風又雨  
可無歸夢到江南

丹霞真館

華陽山裏遊三日  
清氣逼人渾欲仙  
偶到丹霞

亭子上抱琴和月瀉松泉

會稽道中

茂林脩竹映飛湍  
十里青山馬上看  
正是一年寒食候  
落花吹雨不勝寒

仙居道中

一重山外一重田  
十里松風十里泉  
最愛小樓微雨過  
有人清晝讀書眠

溫州

翩翩征旆向南行  
海上青山照眼明  
昨夜芙蓉



歷代詩選 明 鳳仙 卷一  
溪上雨西風吹入棹歌聲

重陽

奉使南巡碧海頭眼驚時序急如流無端風雨  
重陽節辜負黃花又一秋

石倉十二代詩選

明詩卷之五十一

石倉十二代詩選

明詩卷之五十二

仲子集

大明

金華胡翰著

後學曹學佺閱

之子于征美監胄陳生也陳生歸省其母

奉養于京師故勗其行以慰其母心焉

之子于征有楚者衣翼彼北風翩其以歸豈忘

在公爰恤爾私惟皇有命來慰母思之子于征

言汎其艫明發于越夕濟西吳薄登于畿安車

載驅惟皇有命將母來居之子有母令儀有悒



歷代詩選 明胡仲瑛  
養則有祿皇斯爾錫曷以報之願懷罔極竭爾  
臣節迺殫子職

新城額額

新城額額孰究安宅帝綏東人命我邦伯邦伯  
蒞止作之司轄慎迺夙夜奮其栢撥弓矢斯抗  
戈鉦孔鑠寇來授首開門可斫新城膺膺疇敢  
余侮邦伯惟翰遵養其旅野無舉燧田有棲稼  
偃旗卧鼓不試亦武如彼雷行濡以甘雨民斯  
樂胥帝靡東顧自東徂西自南徂北芒芒禹迹

肇我邦域我民綏矣我公歸矣令聞令望執德  
不回受祿不貲公則有之民何貺之薄言酬之  
惟天子是毗下民是宜

鬱鬱孤生桐

鬱鬱孤生桐託根鄒嶧顛皎皎白素絲出自岱  
畎間共朝奉庭貢妙合良自然桐以爲君琴絲  
以爲君絃中含希世音置君離別筵征馬慘不  
嘶僕夫跪當前君行千里道豈惜一再彈南風  
日渺渺清商動山川和者昔已寡聽者今亦難



人生苦徧側

人生苦徧側莫處蠻觸間殺機起不測朝夕相  
構患尺書下齊城九土封秦關用意何崎嶇舉  
世當其賢湯泉自長溫蕭丘自長寒天地有至  
性貧賤吾所安

維南有佳鞠

維南有佳鞠風露發清妍離離絲玉樹粲粲黃  
金錢色含坤裳美質抱日精圓蘊靈自女几滋  
布瀾樊川既入神后品還充仙子殮中壽登百

歲上壽延千年千年與百歲何異瞬息間獨有  
幽貞節可比金石堅託以奉君子歲晏期弗諼

擬古

一夕復一夕一朝非一朝昨見春花開忽睹秋  
葉飄人非金石姿安得長不凋窮年事觚翰駕  
言遠遊遨手提具欄劒拂拭鸛鶉膏含精變光  
彩上薄青雲霄願君勿弃置佩此長在腰南山  
有猛虎西江有長蛟斫蛟取猛虎始貴非鉞刀

其二



白馬誰家子翩翩新少年寶帶千金裘鞍垂兩  
橐韉五侯爭馳鞚七族莫比肩來往長楊間捷  
出飛鳥先朝從羽林獵夜展秦樓筵前楹列庭  
實中庖具珍鮮越女舞雙袖吳姬調七絃張急  
調高起酒盡意彌堅恨無美人贈中激壯士肝  
睽離各自愛重來還復然

其三

節節復促促雄鳴雌自續借問此何音有鳥人  
不畜三文被身體五采爛盈日聲諧九成奏靈  
出衆羽族自從阿閣傾再改岐山下千年不來  
儀四野多暇曠世德誠已微天路清且穆願因  
東南風吹度玉笙曲

其四

長安萬里堠日日送遠行輕車列千駟驟騎懸  
雙旌西出橫門道意氣傾公卿鉞戟夾左右部  
曲聯若星疾驅呼延塞深入休屠城旄頭無時  
落邊風日暮驚刻功燕然石受爵天子廷

其五



梧桐生朝陽不附衆木林上枝拂雲漢下根固  
重陰歲久林質古斲爲姚氏琴朱絃絙橫理加  
以玉與金徽軫何粲粲清談揚妙音重華不可  
見懷思意何深

其六

千里不唾井與君相別難風塵雖異路恒願同  
悲歡在金莫爲玦在玉當爲環聯以翠織成宛  
轉衣帶間相望胡與越寸心良自堅日入已三  
商憂來翻百端遙遙託清夢不知寒夜闌

東望  
其七

日長自愛惜夜長復悽惻人生幾何時少壯已  
非昔涼風動萬里起念南與北山川路杳杳車  
馬去不息燕趙高聲名荆揚壯材力仲尼七十  
說未遇身削跡爲雲不上天焉能雨八極

其八

昔聞崑山禾結實大如黍一食能療飢再殮可  
輕舉大和溢肌髮含真逐仙侶左盼東華君右  
招西王母蒼籙手共開金冊笑相旅后皇降嘉



歷代詩選 明胡仲申 五  
種寧遣同宿莽杲杲晨出日祁祁載陰雨煦被  
非一朝長此千萬古

其九

飲酒須飲醇結交須結真貌合不足貴言合寧  
可珍長安桃李樹家家自陽春常時握手者孰  
是同心人吳中有雙劍一奉洛陽賓精靈颯然  
合萬里情相親

東望赤城山送人

東望赤城山遠在滄海頭雨雪方霏霏行人不

可留衣裳好結束文采珊瑚鈎早傳一禮書爲  
報東諸侯書報東諸侯藿食懷遠憂鄭虔所臨  
郡山多少田疇居民煮海水海盡民始瘳丹丘  
有羽人歲晏長悠悠

游仙詩

夙志慕仙術笑傲人間春朝陪瑤池燕暮揚滄  
海塵道逢安期生遨遊乘采雲粲然啓玉齒遺  
我紫金文天地此中畢世大不得聞受之今十  
年留待逍遙君青鳥從西來飛去扶桑津寄書



歷代詩選 明胡仲申 卷五十二 七  
久不到白首悲秦人

寄陳子尚錄事

東甌有一士周遊吳楚間一歲一歸養四十來  
作官人生貴得意寄書忽長歎芳蘭委蔓草霜  
露復摧殘寸心欲焉託相望隔山川出門道路  
脩起伏千萬端直性不得遂此道自古然寄書  
當路者下流良獨難

至正壬辰之春余卧病始起遭時多故奔  
走山谷間觸物興懷忽復成什合而命

之日雜興

早歲苦憂患况茲抱沈疴展轉不能寐夙夜如  
枕戈骨肉交相持朋友亦屢過感時寒燠易無  
乃久愆和石閭有三秀崑丘多玉禾達人貴知  
命永言心匪他

其二

病起不飲酒客來意何如四座皆春風燕燕深  
相於富有富貴交賤有貧賤趨古意吾所愛今  
人寧見迂忘情衡門下言笑色粲腹忽淹嵇康



駕何煩翟公書水煩魚不大馭促馬已疲法令  
貴寬厚牛毛安所施秦風蕩六合賦役懸高卑  
料民事隱覈簿書日夜孜孜君卿嘗見嗟諒者以  
爲宜共執如張弓後來誰弛之詩人詠豈第勞  
人千載思

其三

緣山列城郭歲久亦已頽羽檄來何方工作殷  
如雷六丁運巨石泉扉蕩然開不知誰家墳暴  
露骨與骸古碑置城頭歎息三徘徊死者何所

知但爲生者哀巴陵韓希孟淑質自天挺一爲  
軍中虜視死猶一瞑寔云瑚璉器不肯作溺皿  
借此清江水葬我全首願願魂化精衛填海起  
成嶺皇天如有知許我血面請書帛字不滅千  
歲光炯炯躑躅戎馬間丈夫可以警

其三

野王有二老矯若雙鳳雛不棲惡木枝寧啄中  
田稔翱翔千仞上覽德周八區赤符啓帝子鱗  
其應瑤圖一鳴洞薶續再舉凌天衢飄飄不可



繫漢綱亦已疎至哉高尚風念此其誰歟恐非  
嚴光倫意乃董公徒

其四

偶家長山下遂與世途遠泉聲挂屋角曉見池  
水滿日出生清華風來送餘善大化無端倪寧  
謂心有眼牀頭遺古書歲月忽已晚玩之不能  
了聖哲有憂患

卧龍岡觀賈秋壑故第

宋祚移東南會稽國內地白日照城郭相君開

甲第蜿蜒卧龍岡高出列雉背審曲立萬楹增  
雄踰九陛飛拱凌丹霞交䟽激清吹上極高明  
居下有幽深隧栖甲戒不虞爲計亦已至以此  
忠社稷寧復憂隕墜揚揚昧所圖擾擾復多制  
崦嵫日西薄祝栗風南厲會港十萬師開鉦一  
聲潰木披本先蠹堤壞川如沛詩人謹厲階人  
禍豈天意至今王夷甫百罰有餘戾摩挲岡頭  
石零落重奎宇山川一何悠蒼莽鴻飛外舊時  
賀老湖酒盤總堪繫吾寧慕賢達聊以抒長慨



呂梁碣

河水趨山東四曠無險塞呂梁扼其衝凜若萬  
強敵水勢與石鬪終古怒未息舟行齟齬間衆  
挽不餘力進始踰跬步退忽落千尺長年起相  
語茲土神所職登祠奉嘉薦拜跪陳下臆船頭  
勇牽纜檣表高挂席好風東南來送我天北極  
叱馭誠足欽垂堂詎遑恤昔聞莊叟言有山在  
離石懸水三十仞魚鼈皆辟易孰隳天地性遂  
拯生民溺鴻飛九州野吾願觀禹迹

夜過梁山樂

日落梁山西遙望壽張邑洸河帶灤水百里無  
原隰葭菼參差交舟楫窅窳入劃若厚土裂中  
含元氣濕浩蕩無端倪飄風向帆集野闊天正  
昏過客如鳥急往時冠帶地孰踵萑蒲習肆噬  
劇跳梁潛謀固坏蟄古云萃淵藪豈不增快悒  
蛙鳴夜未休農事春告及渺焉江上懷起向月  
中立

益清堂爲國子生張伯高賦



高堂思何浩宛若臨瑤池碧水皆種蓮垢氛安  
得緇玉質皎自內朱華爛相輝不矜顏色麗豈  
憂零落滋馨香無時發窈窕隨風吹堂中有美  
人佩服芳菲菲興言誰與晤慨慕此良時寧無  
百年賞願結千載期流芳在人世樹德諒如斯  
書黃賀州平蠻事後

荆楚綿百越襟帶極遐裔連山限車轍外薄海  
無際風氣何紛厖羣蠢動相噬古雖郡縣置畫  
地出租稅負險恒自固犬牙植形勢聚若蜂蟻

來散如鳥鼠逝堯仁不能覆徃徃思一雉懸兵  
萬里外暴露蒙瘴癘亦有內齊民註誤混狂御  
巢穴牢弗破根本先自殪天遺槃瓠種出入民  
患害聖哲戒不虞窮討諒非計皇靈冒下土赫  
赫火俱厲日月所出入有生盡懷徠賓賀崎嶇  
問苞蘖久聯締遣吏得王侯爲國開信誓王師  
不血刃緩頰下椎髻列功奏天子璽書遠頒賚  
賜以大銀盃副之金帛對嶺海數十城安得百  
其喙我聞范史言此屬非難制力弱校弄薄非



可羌戎例漢廷慎擇守祝良復誰繼侯今鬚盡  
白侯心甚豈第分符浙水上應念東人勦蠻徭  
尚有知東人敢忘惠作詩勸不隕庶以示來世

西村老人隱居

振轡起陳力投簪遂辭祿昔今見伊人逍遙在  
郊牧令節春載陽芳辰日初旭鳥鳴高樹顛牛  
飲澗溪曲翳翳桑柘陰藹藹禾牟熟耰耔返故  
畝經過候新躅高榻生風涼練衣無暑溽披帙  
欣自悟臨觴復誰屬情真不肅客意豁已忘俗  
列生談力命老氏貴止足

夜宿寶石精舍

出郭隨穉子薄暮投山扉葉落故園樹危柯風  
更悲勞生各已息不知夜何其上人池閣中燈  
火深相依盈樽豈無酒多病久不持啖我園中  
菓飽我以豆糜出戶見明月踏月褰裳衣悠悠  
故意長落落新知稀冉冉歲云暮百爾慎所歸

京口紀行

大江風西來波濤一何浩我舟不得發徘徊越



歷代詩選  
明  
昏曉衡運已朔易曜靈忽東杲早出南徐州草  
乾霜露少慘慘沙塵飛軋軋車輪繞寒氣來薄  
人重裘僅如縞日高衆鳥翔天末孤帆杳川流  
與岡勢合沓自回抱人生大塊間孰能出其表  
勉爲辛苦行益見顏色槁人言野多虎前驅善  
相保願非千金軀祇欲仗穹昊共子陳此情歸  
來卧蓬島

南京遇蘇平仲編脩

南州苦寒月雨雪久不霽風沙滿長道四顧心

飛揚君子有行役束書歸故鄉故鄉浙水上遠  
在天一方父母及兄弟昔別今五霜我昨來自  
東音問不得將爲言起居好良足慰子腸巍巍  
帝王都濟濟人物場噦噦爭先鳴翩翩颺高翔  
六館走相送如惜孤鳳皇惜茲歲華晚眷彼川  
路長卧聽吳門鐘歸共越人航上堂拜家慶兄  
弟同樂康歡言酌春酒拜舞迎春陽願言千丈  
暉長照百年觴

歸故山



西阜高見日今朝故山裏萬木風已微白雲忽  
孤起池邊記昔行城郭無人至三秋相望深獨  
抱悠悠意出郭懷所親復上橋南路大田美多  
稼嘉澤何愆度人皆望秋實淒其已風露策杖  
陂中行低徊亦奚故

命童

今晨雨新歇日出東南隅草樹有佳色當軒散  
紛敷歡言命童僕治我園中蔬幸此琴閒暇且  
復一荷鋤雖有龜勉勞良足具中厨但恐惡草  
長不治成荒蕪世事每如此豈敢忘勤劬

青霞洞天偕章三益僉事觀石橋

太末一爲客倏忽三四齡常恐玄髮變未諧滄  
海情今晨屬休暇文彥皆合并方舟濟沙步飛  
蓋指巖扃青霞天之表赤日午正停息陰無擇  
木抱渴無藏冰寧知大火維有此真福庭巨石  
跨千尺如梁架青冥深疑地肺開洞見天光明  
玉樹交左右禽鳥無一聲涼風度澗水炎濁蕩  
然清昔聞偶奕者坐穩交心兵相持執方急旁



歷代詩選  
張節婦  
睨眈若醒柯爛胡不歸海枯固其恒蠻觸遞翻  
覆大化何由停不如飲美酒且置石間枰

張節婦

人生爲夫婦結髮相因依恩愛在偕老零落中  
路岐夕坐守空閨晨興簪惡笄身爲張氏婦  
立將安歸願言持寸心如石無改移上奉百歲  
姑下哺兩男兒兒雖媵所出孰匪夫體遺烝嘗  
苟有託門戶亦足持瞻望恐弗及劬勞庸敢辭  
鄉人敬婦德縣官尊母儀二子伯與仲孝思長

不衰相見髮種種猶說襁褓時故家海東頭波  
濤誠渺瀰獨有雙栢舟可以濟艱危行者曾弗  
操令人怨蛾眉更天聖自昔誰能愛月賦不  
冬日桐谷山房日何西豈微首問蕙味蕙味不  
客從山中來爲言山中居種樹不作琴清陰常  
繞廬條然窗几間中有竹素書上窺聖人奧下  
挾百氏殊寥寥千古意問予語赫如勿學臧與  
谷亡羊苦多途願企心齋人願遠復爾初歸撫  
庭前柯應見雙鳳雛



南箕長好風

南箕長好風東畢復好雨陰魄生自西終夕成

乖阻悠悠望彼蒼脉脉不得語起坐酌酒漿北

斗在庭戶

冬日何可愛

冬日何可愛夏日何可畏矯首問羲和羲和不

停轡寒燠相代更天運自有常但惜愛日短不

及畏日長

日出照高樹

日出照高樹翳翳綠當戶端居念友生淹泊何

處所西路阻且長東流莽回互豈云阻音容亦

乃乏書素懷德必有隣興言自中古振衣起行

行見此褐之父

大青示順生

去日不可追來日猶可期朝采六菘英夕玩忘

其疲海當衆水積聖亦途人爲挾冊自有得焉

用比臯夔

其二

歷代詩選

月明中



歷代詩選 明古作 其  
明招山中人高義無等倫恨子弗見之一去五  
百春我學如贅疣未成先誤身誤身身不淑誤  
世心不仁

其三

大音在天地浩浩空山河作者推李杜千古未  
足多至哉風與雅采之委巷歌世人事瑯瑑伐  
柯徒伐柯

其四

嚴霜十二月雞鳴思遠道遠道方迢迢客行何

草草竭從汴水來復鼓秦淮棹秦淮梅柳樹物  
色今年早

湘筠辭

湘之山兮西迤湘之水兮東驚何箇籥兮孔多  
望不極兮湘之浦帝子去兮雲中俾夫人兮延  
佇曾莫樹兮椒蘭又莫檻兮蘅杜載雨兮載陰  
滔滔乎誰與度將以遺子兮琅玕抱幽貞兮永

固

風雷引



歷代詩選 明胡仲申 卷五十二 七

烈烈兮轟轟為颺兮為霆迅發兮震雷驚薄太  
虛兮下上聲謂天濟兮孔仁孰司柄兮赫厥靈  
民無愕兮載宣威既揚兮沛澤零

長清操

河之水清兮清且漣漪我泳其流兮而原之不  
知我飲而監兮我何求思勗兮勗兮母揚其波  
兮母涵其泥

思沂操

曾氏有居越者睠焉不忘魯之  
舊鄉余以聖賢之道不下帶而存也作

之思沂操以廣其志云

沂之水兮泱泱曷不歸兮以浣我裳我思兮孔  
長沂之水兮湜湜曷不歸兮以沐我德我思兮  
心惻沂可思兮亦可沂予鼓而舞兮喟吾之與  
兮

越水操

越水澈澈兮不可以方舟旋桓有魚兮不可以  
為鱗九罭寸目兮豈不密且周惟魴及鱮兮竭  
澤是求有獺有獺兮復跂于洲

歷代詩選 明胡仲申 卷五十二 八



長山操

長山之下兮翳翳其木易于原田兮亦有嘉穀  
孰馮于陵穿予之屋不以我爲虞兮及縱爾毒  
匪兇匪虎兮曾莫我敢逐

附宋璠詩

字仲珩文  
憲公之子

寄張允載兼柬項思復

憶昔到京畿與子寓官廨一見卽相歡不翅舊  
交快維時困道塗驅車久行邁忽逢馳擔初欣  
若身脫械握手坐羸僦欸語慰疲憊情投比藜

膠意愜甚搔疥項君數過予滯下喜方瘥三人  
互談噓何殊合糾繯驟鑣出游街古蹟探其怪  
路入青蓮宮駐足聽梵唄薄晚始旋邸傾倒形  
忘瘵周詳論書譜從容說詩派凡習尚浮華遺  
音日已壞作者固繁夥咸韶混夷秣瀾倒弁波  
隨疇能揅危敗顧余樗散材頻年處卑隘柄鑿  
乖方圓甘遭世倒賣人將競嘲詭子乃敦教誠  
苦言加箴規默默使心解酒酣示新篇辭源極  
滂湃却顛任公子投竿下羣犢應似莠嘉禾薈



治絕稊稗讀之神駭驚秋蚤罷嘶喝政圖籍薰  
陶別還隔遙界欲叩寢食安但復占爻卦浦汭  
守衡茆無從豁矇矓譬諸鐵在爐伊誰鼓風鞴  
况乃患沈疴軀命猶纖芥侵尋閱暑寒孱弱乏  
剛夫精神盡凋耗面目多腫膾布衾煖閣眠藥  
裹晴簷曬年來獲告瘳書齋仍掃灑猿鶴亦爭  
慶似索煙霞債綴賦詠雕蟲攻篆書垂蕤有時  
看飛泉四山寂無吳思取古遺經一覽適灸嘍  
蘭膏繼日晷矻矻警昏懈視已常歛然進業慚  
質鯁志須成絲枲未能脫菅蒯篤信宴安中懷  
毒劇蜂蠱蚤暮自深省此語諒非躉近聞子亦  
歸親朋樂情話千里咸貽書殷勤馳一介而翁  
幸康強愧缺牀下拜

春夜詞

春閣凝溫翠雲繞五色流蘇垂嫋嫋美人自脫  
玉花鈿子帳香棲綠衣鳥銅鳧漏聲夜初墜紅  
暈搖晴燃蠟火欲寄相思無鯉魚月色梨花然  
朶朶謾將軟帶結同心開簾微步鞦韆陰芳眠



未穩鴛鴦枕早樹重重啼翠禽

采桑曲

桑芽露春微似粟小姑把蠶試新浴素翎頻掃  
細干蟻嫩葉纖纖初上指朝采桑暮采桑采桑  
不得盈頃筐差將辛苦向姑語妾命自知桑葉  
比家中蠶早未成眠大姑已賣新絲錢听上何  
人紫花馬却欲拋金桑樹下

劉璉

字夢藻文成之子

遣懷

綠鳧水中遊白鶴雲間飛霄漢有脩程焉能顧  
卑微浩蕩展羽翰崑丘以為期鵬鶚趨下風尉  
羅絕張弛倏忽萬里餘摧頽不知歸空林有故  
巢繁霜日霏霏孤雌哺黃口啁晰將疇依豈如  
戲蘋荇雙棲在漣漪

白楊河

白楊河下春水碧白楊河邊多估客東風二月  
柳條新却念行人千里隔听上居人纔數家茆  
茨深處見桃花小婦河邊汲新水老翁門外看



雁行詩選  
明詩卷之五十三  
主  
雛鴉桑苗青青麥苗綠牛羊散落村墟牧行客  
年年任往來居人自任楊河曲

白雲  
白雲  
白雲

巢梁露日霏霏  
巢梁露日霏霏  
巢梁露日霏霏

巖巖  
巖巖  
巖巖

早  
早  
早

絲泉  
絲泉  
絲泉

石倉十二代詩選

明詩卷之五十三

大明

鄞縣鄭真著

後學曹學佺閱

平陵東  
王莽篡漢翟義起義兵莽殺義

其門人歌以怨之

平陵東翟義死東海翻冤莫洗漢賊已成漢鼎

已傾屈膝北面誰為臣嗟哉忠勇其殺身攬槍

光芒射天闕怒髮上指雙劍折碧草萋萋一泓

血漢家神靈杳空濛欲排閭闔訴薶聰吁嗟平



陵東胡獨死義公

公無渡河

公無渡河公竟渡河吁嗟柰公何長風掀天濤  
浪急蛟龍垂涎待人食公平渡河其墜溺慟哭  
河水潛公平不返將安之憶妾嫁公時窻窻矢  
同歸如何中道乖百年負深期河流湯湯猝未  
乾妾欲見公良獨難嗚呼命兮公所安公所安  
吾誰怨愁來泣把箜篌彈高聲淒切淚橫臆化  
身欲填精衛石河南宮闕弗開公平渡河嗟莫

及中心慘慘思悄悄請公來聽箜篌音相從願  
向重淵深公平乎知妾心

摇摇花

虞美人草也

摇摇花花開向天涯花摇摇花如金步嬌惜昔  
美人年正少青春正覩花容貌金釵聘入霸王  
宮嫣然一笑胭脂紅獨夫叱咤空四海恩窮惟  
憐一身在戲馬臺前宮闕深當筵歌舞娛君心  
君心荒兮霸業消淮南却望烏江遙漢兵十萬  
紛於蟻帳底美人淚如水八千軍散楚歌聲倉



唐才子傳卷之四  
田贊二之  
二  
忙忍爲君王死陰陵古道行人來傾國傾城真  
堪哀金劔霜飛一泓血天魂化作春花開花開  
花落流年改春秋浩蕩愁如海愁如海將奈何  
虞姬墓前烟草多花魂寂寞欲歸去杜宇夜啼  
三月暮

龍舟戲水曲

千里晴波汴河鑿萬丈虹橋依樓閣龍船錦纜  
駕風來五色騰驤駭鯨鰐河伯深宮執玉朝鮫  
人震懾停織綃三千粉黛出歌舞星裙霞帔水

飄飄大業官家擁鑿輅香蕪沉檀藹烟霧吹簫  
擊鼓向中流倚空笑指江都路瓊花三月春晝  
開高臺照鏡憐容顏回首安歸歸不得風濤洶  
湧愁人間君不見舊日燕都跨海子五爪盤拏  
綵雲起天魔無罷翠葉奔高柳斜陽映秋水

烏夜啼

淮海天高銀漢低古樹月明烏夜啼山人謾說  
烏頭白舊日秦庭遣燕客先生曷賦歸去來窮  
途戚戚胡爲哉是時先生睡初熟夢裏聞呼哇



首菴起來暗憶故園棲著書每及烏啼時龍庭  
需材資黼黻姓名一旦登金闕江廣作官天萬  
里襟懷湛湛西江水明良盛世遇風雲欲把丹  
心報天子讒言貝錦無停梭烏聲吠月愁奈何  
挈家輸作池河任吁嗟歲月成蹉跎玉律清商  
奏中夜倥惚愁懷一輪寫却將心事問靈烏蕭  
蕭白髮當何如我聞烏啼有凶吉天意悠悠真  
可識細聽枝上聲啞啞抱琴定向山中家山中  
仙人紫霞服步虛好聽烏啼曲消得門前五柳

青風流祇似陶淵明任爾烏聲竟昏曉物我兩  
忘天地老

附桂彥良詩

雙峰

平車晨過杜湖嶺喜見屹立之雙峰千里松風  
奏韶濩一泓秋色潛蛟龍仙禽古樹集梵刹細  
草幽花迎竹筇齋餘晏坐山閣靜夜深隔屋聞  
踈鐘

和陶詩二首



蛟龍作雲雨蜉蝣出以陰小大各有適胡然愁  
子襟架插千卷書壁掛無絃琴希賢復希聖視  
古猶視今所貴生世間動止爲人欽有琴莫厭  
彈有酒莫厭斟窮居見高節寡和乃希音誰能  
言嘯嘯強顏隨冠簪子雲媚新室立言徒艱深

又

神龍困淵蟄野鶴凌空飛飛潛不同調一喜復  
一悲我生悟物理獨立恒無依飲酒得真趣讀  
書探指歸匪爲究窮達亦復知榮衰前賢有遺

則行行慎無違

附烏斯道詩

字樂善

古詩七首

驅車陟太行中道車輪折挽舟遡河流中流綆  
縻絕前涂鬱漫漫徬徨欲懷歸積雪被長坂洪  
濤蕩寒暉胡不戒未然閫中慎所之徒懷百年  
志自貽千里悲借令無顛躓豈念出門非且將  
話徒御羸糧一何遲

二



女蘿依松栢松栢不可依巨榦遭翦伐修蔓殄  
無遺女蘿當奈何無依乃其宜盤旋大化中春  
榮秋自萎升高豈不好天折亦足悲

三

荆棘開好花娟娟耀芳辰羅生及周道未嘗羅  
斧斤斧斤或相加芒刺反傷人朔雪貸其死后  
土固其根人力愧孱弱天地胡不仁崇崗有松  
栢日日摧爲薪

四

中郎嘆知己江夏殺所依愛憎生逆順良窳繆  
是非不憂漢室仆乃爲董卓悲不憤奸雄術乃  
謫彌衡譏傷哉英傑士終爲識者嗤

五

飢不食虎肉寢不處虎皮虎皮非不暖虎肉非  
不肥本受戾氣生邈與正氣違奈何五行秀乃  
與戾相隨胡不觀鳳鳥猶能慎羽儀朝選竹實  
食暮擇梧桐棲

六



螭蛭素甘帶鴟鶚喜食鼠蛇長卽吞象蝟小能  
制虎鷹鷂與鴛鴦生同被毛羽胡不念同類搏  
擊苦相侮鴛鴦好文彩疇能憐愛汝

七

猗蘭畏陽盛甘菊懼蟲食昌陽惡溪澗揭車傷  
土瘠上有寄生草蒙茸託松栢下有無名花紛  
披弄佳色尋芳邈無人空有馨香德

題寒林遠岫圖

遊子念遠道歲晏不得歸出門見林薄日暮烟

火稀關山渺千里猿穴聲正悲况爾霜雪繁鳥  
道不可躋陽春固孔邇奈此寒無衣衣寒何足  
歎所憂美人遠

附顧慤詩

次黃叅政漁樂韻

溪頭黃雲晚不雨柳陰無人棹歌起芙蓉數朶  
溪上山蒲萄萬頃溪之水錦鱗玉尺揚文瀾暢  
飲誰識銀瓶乾歸來白月滿蓬戶夜深夢落磻  
溪灣



驢馬歌

熒惑宮中一團火，踢倒祝融掣金鎖。飛來塵世化頰虬，滿背紅雲結花朵。絳髯拂膝朱尾長，赤瑛絡胸紅絲纏。炎光閃閃照人熱，渴死造父愁王良。北平公子宛庭薄，萬鎰黃金求赤兔。黃羅抹首袴摺靴，虎氣逼人如呂布。江南書生力不多，一躍五丈飛官河。相看馬上失聲笑，但見碧烟如鳥過。電光拂眼騰朱梭，駿快不數生蛟鼉。研朱爲寫紅叱撥，喚起杜陵爲我歌。

贈張鍊師歸鳴臯

寶匣龍章御勅開，仙師辭闕返蓬萊。鳳池劍影隨雲化，鶴背松聲帶月回。火候不須調藥竈，仙名今已著丹臺。栢枝燒罷應多暇，報我藍田長玉栽。

題推蓬圖

記得當年訪老逋，扁舟載雪過西湖。香浮水面涵清淺，影落篷窗半有無。玉樹忽驚春漏泄，冰花相照月模糊。誰將一段真消息，收拾歸來作



畫圖

附范宗暉詩

古意

茫茫宇宙間事物皆有理衆理具一心求之亦  
 甚邇微言寓羣經歷歷有根抵致知良匪易典  
 學念終始  
 人心固危殆況乃衆欲攻外誘日膠固乃蔽明  
 與聰熾然不可遏至理或銷鎔制之豈無術淡  
 泊以爲宗

積羽可沉舟羣輕能折軸巧言必講張利口多  
 翻覆披滌及邪遁害事爲甚速苟不塞其源涓  
 流蔽川谷  
 稂莠終亂苗珉瑜頗相類君子與小人顏面亦  
 不異善惡本殊途薰蕕豈同器辯之如不早斯  
 爲名德累

次喜雨韻

惟公鎮南服蒞政誠有爲務農重民食注意恒  
 在斯方春忽亢旱惻然爲憫之致齋禱羣祀雨



歷代詩選 明倫彙編 禮典典 卷五十三 九  
降不愆時原野動生意枯槁回芳姿溝澮盡盈  
溢川谷合深陂天道孰云遠一念從可祈老懷  
深有感因之播聲詩

謝賜衣

吳蠶作蠶線車鳴機中白苧新織成高臺捧出  
綺麗生光彩奪目四座傾弁刀裁就疊雪輕華  
裾曳地穩稱情我歌白苧翻新聲移商換羽曲  
調清君不見夷門老侯生七十抱關無所營信  
陵當日倘未遇安得千古遺芳名

鳴鳳歌

黔寧公子國之禎遠鎮南服爲干城奇材異稟  
重題品山川草木俱增榮近從滇池得紫綸錦  
紋玉質含霞頰斲成琵琶極華麗寶之不異金  
與瓊鵬絃犀軫龍香撥鴉青條縮猩紅纓方當  
下指曲未成一座已聞鸞鳳聲初疑秦臺下簫  
管復似緱嶺隨匏笙又如崑崙斷嶰竹雌雄應  
律相和鳴大絃鏗錡若呈瑞喧呼雜選聲鏗鏗  
又疑喬林嗽竹實天風披拂飄琮琤小絃迸連



如出穴俄聞噦噦凌高冥忽若相呼飲醴泉飲  
音嫋嫋流春冰大絃小絃或竝作却疑啄碎瓊  
瑤英綵雲飄飄激遺響百鳥不敢翔中庭開元  
玉環未足數坐令六詔問韶英請從席上賦長  
句願備樂府歌昇平

題春山勝覽圖

雄藩遠控西南陞地連六詔通諸夷山川形勝  
土肥沃風氣頗與中國宜方當青陽播晴旭欣  
欣草木含華滋溪毛雲骨動生意山光水色凝

清暉花稍日月燦晴錦柳條風煖縹輕絲鳥聲  
嚶嚶出幽谷物情和暢涵春熙平疇水足夜來  
雨家聞播穀勤蓄畬維時統戎稍閒暇省民間  
俗無遐遺按轡徐行過村疇雲旌翠節光陸離  
邊氓久矣望風采馬前羅拜語嗛咄勞來慰撫  
殊未已仁聲義澤淪膚肌比屋歡呼歌擊壤雍  
雍若在唐虞時緬思先王拓茲土兵不血刃人  
心歸至今廟食重明德代有陰隲安黔黎公今  
更欲敷政化非事逸豫耽遊嬉我今作詩誦厥



美太史觀風應採之

閒情

齋居無俗尚自愛適幽情風定樹陰合雨餘泉  
脉清枕書雲伴臥步履鶴隨行曾與隣翁約朝  
來共析醒

述懷

步履緣蘿逕倏然鶴睡驚竹深清露滴樹杪白  
雲生飛去誰家燕啼來何處鶯今朝新酒熟適  
足遂閒情

山莊小酌

別墅花初放叨陪繡節過客如梁苑盛地勝午  
橋多吟好詩先就杯深面易酡不因歸騎促洗  
盞更聽歌

齋居

齋居習靜晝初長風暖開庭蔭荀香日影到窗  
飛野馬雲根採藥斲松肪年光荏苒閒方覺學  
術迂疎老易忘珠重使君多軫念徧題書札到

山房



送素軒公迎總戎自交趾回

上將班師自海壖將軍迎謁出南滇山河表裏  
歸中國兄弟恩榮自九天凜凜星牙明曉日蕭  
蕭鐵騎帶寒烟當年事業銘鐘鼎復見勳名著  
簡編

和僧中庭韻

平公卓錫滇海南出世有如優鉢曇庭前栢樹  
曾手種堂下玉板容我叅談禪直解心卽佛從  
師獨見青出藍隨身一瓶與一鉢碧山爲伴雲

爲菴

題山水

初日照雲林寒泉落風磴緬懷塵外踪悠然動  
清典

石倉十二代詩選

明詩卷之五十三終



石倉十二代詩選

石倉十二代詩選

明詩卷之五十四

慈谿陳敬宗著

大明

後學曹學佺閱

同東里楊學士郊遊分韻得臺字

熙陽麗神甸  
 鮮飈蕩浮埃  
 采真造琳宮  
 抗蹟登銀臺  
 桂柱產朱草  
 洞門閉蒼苔  
 况與塵世隔  
 浩歌望蓬萊  
 忽逢赤松子  
 羽駕空中來  
 笑扶綠玉杖  
 遙勸紫霞杯  
 寶訣爲我授  
 瑤笈爲我開  
 舉手復遠別  
 悵望徒徘徊



題回文卷

年命能幾何歡愛恒不足結髮情未衰新人美  
如玉侈心移室家讒口傷骨肉秋風度蘭帷春  
光麗金屋鸞鳳愛雙翔鴛鴦憐獨宿誓將托錦  
機慇懃組心曲緘之惠遠方長途冀旋轂庭花  
爲誰芳尊酒空自綠中饋幸見收敢怨罹斥逐  
君心如明月應諒無遺燭

題出獵圖

胡天八月秋草黃朔風捲地沙茫茫胡人獸畜

健如虎苜蓿馬肥弓力强騎將獵向古塞北志  
雄氣猛空絕域韞上蒼鷹入層漢橫弓仰視雲  
中翮一胡下馬初解鞍嚙草嚼缺蹄四攢手持  
箭鏃審曲直目光如電神氣完嗟哉爾胡意自  
適渴飲酪漿飢獸食叮嚀爾胡休犯邊萬古千  
年事中國

題吳興趙公畫馬

古來畫馬說韓幹神駿今數吳興公天機巧妙  
奪真造筆意所到精靈通曹君魯圖照夜白少



陵徒咏玉花驄可憐人馬久不見忽復覩此天  
關中毛爲銀絲雪爲質逸氣稜稜橫八極騰空  
駿足雲影翻夾鏡方瞳電光赤房精夜燭渥水  
滑矯然育此真龍媒同誇絕代得駿骨顧視萬  
馬皆凡才奚官牽來玉墀側虬髯碧眼朱袍窄  
絨鞦碧鞵珊瑚鞭錦鞵綠轡黃金勒吳典自是  
宗室親騶裊驪嘗見真飛騰驚竦合變化顧  
爾覩素皆麒麟祇今披圖畫堂裏便覺長鳴朔  
風起安得真持獻紫宸參駕龍駟奉丹宸

送楊進士歸南京

城闕鐘聲曙河山雁影秋琴樽千里別冠珮兩  
京遊遠樹連平野涼風送去舟懷君明月夜矯  
首鳳池頭

元夕賜觀燈詩五首

皓月金門夜和風玉殿春雲移三島近燈簇萬  
花新天仗臨丹宸星橋接紫宸中官宣德意宴  
賞及羣臣

紫禁疎鐘靜高城刻漏傳五雲迎寶蓋萬戶綴



金蓮瓊醴行仙席龍盤進御筵教坊呈百戲齊  
過玉堦前

劍佩清宵近峰巒翠閣重花明金殿月香度玉  
樓風拜舞諸蕃集歡娛萬國同遙聞歌吹發五  
色度雲中

紫陌連清禁彤樓接絳河九門星彩動萬井月  
華多寶炬通宵晃鸞笙協氣和臣民涵聖澤齊  
唱太平歌

山擁金鰲壯雲盤綵鳳來星河隨斗轉珠闕倚

天開歡洽春聲徧恩添淑景回顧歌魚藻詠長  
奉萬年杯

元夕賜觀燈詩三首

河漢沉沉霽景澄蓬萊燃滿九華燈青猊白象  
三千界綺閣雕欄十二層花繡芙蓉濃艷吐簾  
垂翡翠異香凝世人惟向雲中見遙望天門不  
可登

樂奏韶咸寶扇開遙瞻龍馭自天來九門香逐  
靈飈度萬國春隨御氣回彩鳳高臨青玉案彤



雲輕護紫霞杯臣民共願宸遊樂海內歡聲溢  
九垓

中使傳宣宴百官珮聲遙集五雲端酒傾綠蟻  
開金甕饌鱸蒼麟奉玉盤寶帳春回頻送暖瑤  
臺雪霽不生寒侍臣霑醉蒙恩德更勅都人近  
御看

題五馬浴川圖

翩翩天廐五龍媒太液池中浴未回身散玉花  
雲影動日流星彩鏡光開負圖似向滎河出孕

質疑從渥水來明日彤墀齊立仗總承恩澤下  
蓬萊

夜坐卽景

翠竹當窗月照池焚香獨坐夜深時興來更掃  
門前雪閒看梅開第幾枝

白蓮

太液澄波濯素容玉衣垂影水晶宮月明無處  
尋顏色只信香飄十里風

附金湜詩

字本清鄞縣人



題唐明皇吹玉簫圖

昭陽殿高晝長  
珊瑚枕壓七寶牀  
珍簾平鋪碧雲冷  
珠簾半捲秋風涼  
此時諫疏非無補  
君王自喜教歌舞  
舊曲翻成阿濫堆  
別調新傳玉簫譜  
玉簫一曲度薰風  
宮商十指何玲瓏  
碧沼游魚窺菡萏  
蒼丹霄彩鳳鳴梧  
桐梨園子弟多白  
髮承宣獨喜王  
番綽手提玉版不  
停敲足踏青蒲  
恣歡謔雙雙粉黛  
誰家女霓裳細拂  
鮫綉縷歛袖低眉  
不動塵似解嗚嗚  
曲中語從來聲色

後人心人生樂極悲亦深  
豈料簫聲入雲去  
化作漁陽鼙鼓音

河澗府瀛海驛寫竹遂成長句

我本東南瀛海客  
乘輿來登瀛海堂  
堂中開簾分廣席  
四壁拂拭如秋霜  
老夫見此發長嘯  
便覺清風滿穹昊  
呼童捉筆破水墨  
胸中恍惚窺天造  
何須巧作鐵鈎鎖  
何須苦效金錯刀  
大竿小挺恣揮灑  
千枝萬葉分秋毫  
何須坐對湘江雨  
何須去踏淇園春  
清泉白石漱寒玉  
琅玕翡翠



翠排青雲雲氣淋漓墨猶濕隔窗似聽湘娥泣  
鬼翻鵲落魍魎愁一夜轟雷破春蟄蟄龍振起  
風怒號蒼烟翠霧翻波濤鯨鯢帶雨走平陸龜  
鼉跋浪聲嗷嗷從來造化不可測呼吸陰陽在  
頃刻簷管谷口冥烟開白日龍來作人立黃堂  
太守人中英慙懃置酒當前庭大觥小觥迭相  
舉賓僚進退如諸生我亦平生好奇絕爲作長  
歌歌一闕樓頭羌管落天風筆底驚蛇走冰雪  
歌罷出門呼驛吏叮嚀窗戶須常閉只恐天工

有使來一朝捲入空中去

文華殿入直

祕殿深沉鳳閣東中官催召寵恩隆露分仙掌  
薔薇綠酒賜宮壺琥珀紅只尺龍顏呈日表從  
容天語出淵衷侍臣才調皆班馬獨愧抽毫賦  
未工

登多景樓

滾滾江流動地來重重樓閣任天開行當草罷  
平胡詔乞取青山作釣臺



附鄭惟廣詩

字汝誠鄆縣人

五更轉咏促織鳴東壁送友人

一更風露清東壁寒蛩鳴所懷離別人獨坐傷我情

二更人愈愁聲聲近牀頭昨日攜手好今夕在他州

三更月正圓促織爾何然欲夢見容顏展轉不得眠

四更更漏遲唧唧鳴聲悲含情不可聽復起坐

孤幃

五更聲欲殘霜落空林寒其如遠人何相思路漫漫

行路難

君不見見江上山峨峨絕頂人莫攀又不見門前水日夜東流何時已隣家少婦長嘆息青鸞日掩心相憶春來花鳥每關情夫婿年年為軍役

自君之去矣三首

自君之去矣日夜長相思思君如朝露湛湛能



幾時

自君之去矣春草迷江路思君如流水一別經

幾度

自君之去矣好鳥鳴芳樹思君如春花香色何

時曙

靜夜思

中夜起徘徊天空月如洗為憶閨中人渺渺湘

江水

南征詩

九重命下靖邊陲萬里秋風汗馬肥劔氣橫空  
銷瘴霧日華絢綵動旌旂豺狼已遁深山跡虎  
旅方揚上國威功紀太常應有日都人遙聽凱

歌歸

附戴浩詩

字彥廣鄞縣人

述懷

昨日傷風獨倚樓今朝倚檻又悲秋桃花乍吐  
蒸霞爛楓葉隨飄逐水流明月清風惟我得落  
霞孤雁向誰收佇看覆手須臾頃贏得虛名老



白頭

咏春

九十春光似酒濃  
隔簾香暖小桃紅  
杖藜緩步尋芳草  
閒逐黃鸝過水東

咏秋

西風蒲路桂花香  
吹徹天街似水涼  
獨坐南窗讀周易  
半輪明月照空梁

春曉聞鶯

東風微度栗留聲  
羌笛輕調百轉清  
喚起春光

無覓處柳堤花塢霧冥冥

題風烟雪月梅

忽覩殘花滿玉臺  
恍如鱗甲印蒼苔  
也知搖落難留處  
幾度春來取次開

一抹輕烟撥不開  
朦朦淡淡鎖妝臺  
仙肌猶自無顏色  
何日添容傅粉腮

六花飄落五花開  
兩白交輝絕點埃  
花神不怕寒侵骨  
能占江南百卉魁

一輪明月照長安  
萬斛珠璣鏡裏看  
莫道我家




無好處一簾清氣滿闌干

卷之二十四

印

卷之二十四





律